

四庫全書薈要·乾隆御覽本

史部

欽定四庫全書

薈要

史部

史記卷二十八

詳校官主事銜臣徐以坤



欽定四庫全書

史部  
卷三十六

史記卷二十八

漢太史令司馬遷撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

封禪書第六

正義泰山上築土為壇以祭天報天之功故曰封泰山下小山上除地報地之功故曰禪言禪

者神之也自虎通云或曰封者金泥銀繩或曰石  
泥金繩封之印璽也五經通義云易姓而王致  
太平必封泰山禪梁父荷天命以為王  
使理羣生告太平於天報羣神之功

自古受命帝王曷嘗不封禪蓋有無其應而用事者矣  
未有睹符瑞見而不臻乎泰山者也雖受命而功不至  
至矣而德不洽洽矣而日有不暇給是以即事用希傳  
曰三年不為禮禮必廢三年不為樂樂必壞每世之隆  
則封禪答焉及衰而息厥曠遠者千有餘載近者數百  
載故其儀闕然堙滅其詳不可得而記聞云尚書曰舜

在璇璣玉衡以齊七政遂類于上帝禋于六宗望山川

徧羣神輯五瑞擇吉月日見四岳諸牧還瑞

集解徐廣曰還一作

班歲二月東巡狩至于岱宗岱宗泰山也

正義括地志云泰山一日

岱宗東嶽也在兗州博城縣西北三十里周禮云兗州鎮曰岱宗

柴望秩于山川遂觀

東后東后者諸侯也合時月正日同律度量衡修五禮

五玉三帛二生一死贊五月巡狩至南岳南岳衡山也

正義括地志云衡山一名岣嶁山在衡州湘潭縣西四十一里

八月巡狩至西岳西岳

華山也

正義括地志云華山在華州華陰縣南八里古文以為敦物周禮云豫州鎮曰華山十一

月巡狩至北岳北岳恒山也

正義括地志云恒山在定州恒陽縣西北百四十里

周禮云并州皆如岱宗之禮中岳嵩高也

索隱獨不言至者蓋以天子所都也正義括地志云嵩山亦名太室亦

名外方也在洛陽城縣西北二十三里

五載一巡

狩禹遵之後十四世至帝孔甲淫德好神神瀆二龍去

之龍

索隱如淳案國語二龍生于夏庭是也

其後三世湯伐桀欲遷夏社不

可作夏社後八世至帝太戊有桑穀生於廷一暮大拱

懼伊陟

集解徐廣曰陟古作敕

曰妖不勝德太戊修德桑穀死伊

陟贊巫咸巫咸之興自此始

索隱尚書伊陟贊于巫咸孔安國云贊告也巫咸臣

名今此云巫咸之興衍自此始則以巫咸為巫覡然楚詞亦以巫咸主神蓋太史以巫咸是殷臣以巫接神事太戊使禳桑穀之災所以伊陟贊巫咸故云巫咸之興自此始也後十四世帝武丁得傳說為相殷復興焉稱高宗有雉集解徐廣曰一作鶴音嬌登鼎耳雉武丁懼祖己曰修德武丁從之位以永寧後五世帝武乙慢神而震死索隱謂武乙射天後獵于河渭而震死也後三世帝紂淫亂武王伐之由此觀之始未嘗不肅祗後稍怠慢也周官曰冬日至祀天於南郊迎長日之至夏日至祭地祇皆用樂舞而神乃可得而禮也天子祭天下名山大川

五岳視三公四瀆視諸侯諸侯祭其疆內名山大川四瀆者江河淮濟也天子曰明堂辟雍集解韋昭曰水外以節觀者也諸侯曰泮宮集解張晏曰制度半於天子之辟雍索隱服虔云天子水匝為辟雍諸侯水不匝至半為泮宮禮統又云半有水而半有宮是也周公既相成王郊祀后稷以配天集解王肅曰配天於南郊祀之宗祀文王於明堂以配上帝集解鄭玄曰上帝者天之別名也神無二主故異其處避后稷也自禹興而修社祀后稷稼穡故有稷祠郊社所從來尚矣自周克殷後十四世世益衰禮樂廢諸侯恣行而幽王為犬戎所敗集解徐廣

曰犬一作畎

周東徙雒邑秦襄公攻戎救周始列為諸侯正義

秦襄公周平王元年封也

秦襄公既侯居西垂也今在秦州上邽縣

西南九十里也自以為主少皞之神作西畤祠白帝其牲用駢

駒黃牛羝羊各一云

索隱毛詩傳云赤馬黑驥曰駢也

羝牡羊其後十六年

秦文公東獵汧渭之間卜居之而吉

索隱地理志汧水出汧縣西北八謂

皇甫謐云文公徙都汧也正義括地志云郿縣故城在岐州郿縣東北十五里即此城也

文公夢黃

蛇自天下屬地其口止於鄜

集解李奇曰鄜音孚山阪曰衍索隱鄜地名後

為縣屬馮翊衍者鄭衆註周禮云下平

曰衍又李奇云三輔謂山陵間為衍也

文公問史敦敦

曰此上帝之徵君其祠之於是作廊畤用三牲郊祭白

帝焉自未作廊畤也而雍旁故有吳陽武畤

集解李奇  
於旁有

吳陽雍東有好畤皆廢無祠或曰自古以雍州積高神  
也

明之隩故立畤郊上帝諸神祠皆聚云蓋黃帝時嘗用

事雖晚周亦郊焉其語不經見搢紳者不道

集解李奇  
曰搢插也

插笏於紳紳大帶索隱姚氏云搢當作縉鄭衆註周禮  
云搢讀曰薦謂垂之於紳帶之間今案鄭意以搢為薦  
則薦亦是進進而置於紳帶之間故史記亦多作薦字也

作廊畤後九年文公獲若

石云于陳倉北阪城祠之

集解蘇林曰質如石也服虔  
曰在北或曰在陳倉北索隱

云語辭也正義三秦記云太白山西有陳倉山山有石雞與山雞不別趙高燒山山雞飛去而石雞不去晨鳴山頭聲聞三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之其神或歲不至或歲數來來也常以夜光輝若流星從東南來集于祠城則若雄雞其聲殷云野雞夜雊集解如淳曰野雞雉也呂后名雉故曰野雞贊曰殷聲也云以一牢祠命曰陳寶集解贊曰陳倉縣有寶夫人祠或一歲二足句之辭歲與葉君合葉神來時天為之殷殷雷鳴雉為雊在長安正西五百里韋昭曰在陳倉縣寶而祠之故曰陳寶索隱列異傳云陳倉人得異物以獻之道遇二童子云此名為媚在地下食死人腦媚乃言彼二童子名陳寶

得雄者王得雌者霸乃逐童子化為雉秦穆公大獵果獲其雌為立祠祭有光雷電之聲雄止南陽有赤光長十餘丈來入陳倉祠中所以伐俗謂之寶夫人祠抑有由也葉縣名在南陽葉君即雄雉之神故時與寶夫人神合作鄜畤後七十八年秦德公既立卜居雍後子孫也飲馬於河遂都雍雍之諸祠自此興用三百牢於鄜畤索隱秦本紀德公元年以犧三百祠鄜畤今案百當為白秦君西祀少昊牲尚白牢秦諸侯也雖奢侈僭祭郊本特牲不可用三百作伏祠索隱服虔云周時無伏秦牢以祭天蓋字誤始作之漢舊儀云伏者萬鬼行故閉晝日不干求也東觀漢記和帝初令伏閉晝日是也又歷忌釋曰伏者何金氣伏藏之名四時代謝皆以相生而春木代水水生木也夏火代木木生火也冬水代金金生水也至秋則以金代火金畏於火故凡

至庚日必伏礮狗邑四門以禦蠱索隱案樂彥云左傳皿蟲為蠱梟礮之鬼亦為蠱故月令云大儺旁礮註云礮攘也厲鬼亦為蠱將出害人旁礮於四方之門故此亦礮狗邑四門也風俗通云犬礮攘也德公立二年卒其後六年秦宣公作密畤於渭南祭青帝其後十四年秦繆公立病卧五日不寤乃言夢見上帝上帝命繆公平晉亂史書而記藏之府而後世皆曰秦繆公上天秦繆公即位九年齊桓公既霸會諸侯於葵丘正義括地志云葵丘在曹州考城縣東南一里五十步郭內即桓公所處也而欲封禪管仲曰索隱今管子書封禪篇是古者封泰山禪梁

父者

正義括地志云梁父山在兗州泗水縣北八十里也

七十二家

正義韓詩外傳云孔子升泰山觀易姓而王可得而數者萬數也

按管仲所記自無懷氏以下十二家具六十家

無紀錄也

而夷吾所記者十有二焉昔無懷氏

集解服虔曰古之王者在

伏羲前見莊子

封泰山禪云云

集解李奇曰云云山在梁父東索隱晉灼云云山在蒙陽縣

故城東北下有云云亭正義括地志云

云云山在兗州博野縣西南三十里也

處羲封泰山禪

云云神農封泰山禪云云

索隱鄧展云神

農後子孫亦稱炎帝而登封者律歷志黃帝與炎帝戰于阪泉豈黃帝與神農身戰乎皇甫謐云炎帝傳位八

代黃帝封泰山禪亭亭

集解徐廣曰在鉅平駟案服虔曰亭亭山在牟陰索隱應劭云

亭亭在鉅平北十餘里服虔云在牟陰非也正義括地志云亭亭山在兗州博城縣西南三十里也嶺頃

封泰山禪云云帝嚳封泰山禪云云堯封泰山禪云云

舜封泰山禪云云禹封泰山禪會稽索隱晉灼云本名

禹巡天下登茅山以朝羣臣乃大會計更名茅山為會稽亦曰苗山也正義括地志云會稽山一名衡山在越

州會稽縣東南十二里也 湯封泰山禪云云周成王封泰山禪社

首集解應劭曰山名在博縣晉灼曰在鉅平南十三里皆受命然後得封禪桓公

曰寡人北伐山戎索隱服虔云蓋今鮮卑是也 過狐竹正義括地志

在平州盧龍縣南一十里殷時孤竹國也 西伐大夏涉流沙東馬懸車上卑

耳之山

集解韋昭曰將上山纏東其馬懸鉤其車也

耳即齊語所謂辟耳索隱卑耳山名在河東大

陽卑讀如字也齊語即春秋外傳國

語之書也辟音僻賈逵云山險也

南伐至召陵召音

正義

邵括地志云邵陵故城在豫州郊縣東四十五里也

登熊耳山以望江漢索隱

記順陽益陽二縣東北有熊耳山東西各一峰如熊耳狀因以為名齊桓公太史公並登之或云弘農熊耳非也

兵車之會三索隱案左傳兵車之會三謂魯莊十三

六年會北杏平宋亂僖四年侵蔡遂伐楚

六年伐鄭圍新城是也

而乘車之會六索隱案左氏乘車之會十六謂莊十四年會于鄭十五

年又會鄆十六年盟于幽僖五年會首止八年盟于洮九年會葵丘

九合諸侯一匡天下

諸侯莫違我昔三代受命亦何以異乎於是管仲賄桓

公不可窮以辭因設之以事曰古之封禪鄗上之黍北  
里之禾集解應劭曰鄗上山也鄗音臚蘇林曰鄗上北里皆地名索隱韋昭云設以不可得之物應劭  
云光武改高邑曰鄗姚氏云鄗縣屬常山一云鄗上山名所以為盛江淮之間一茅  
三脊集解孟康曰所謂靈茅所以為藉也東海致比目之魚集解韋昭曰各有一目不比不行其名曰鰈索隱鰈音答郭璞云如牛脾身薄細鱗紫黑色一眼兩片合乃得行今江東呼為王餘亦曰阪魚

西海致比翼之鳥集解韋昭曰各有二翼比不飛其名曰鶠鶠索隱

山海經云崇丘之山有鳥狀如鳬一翼一目相得乃飛名云鶠郭璞註爾雅亦作鶠鶠

然後物有不召而自至者十有五焉今鳳凰麒麟不來嘉穀不生

而蓬蒿藜莠茂鴟梟數至而欲封禪母乃不可乎於是桓公乃止是歲秦繆公內晉君夷吾其後三置晉國之君平其亂索隱三置晉君謂惠公懷公文公也繆公立三十九年而卒其後百有餘年而孔子論述六藝傳畧言易姓而王封泰山禪乎梁父者七十餘王矣其俎豆之禮不章蓋難言之或問禘之說孔子曰不知知禘之說其於天下也視其掌集解孔安國曰為魯諱也包氏曰孔子謂或人言知禘之說者於天下之事如指視以掌中之物言其易詩云紂在位文王受命政不及泰山武王克殷二也

年天下未寧而崩爰周德之洽維成王成王之封禪則

近之矣及後陪臣執政季氏旅於泰山仲尼譏之

集解馬融

曰旅祭名禮諸侯祭山川在封內者陪臣祭泰山非禮也

是時萇弘以方事周靈王

諸侯莫朝周周力少萇弘乃明鬼神事設射狸首狸首

者諸侯之不來者

集解徐廣曰狸一名不來

依物怪欲以致諸侯諸

侯不從而晉人執殺萇弘

集解駟案皇覽曰弘家在洛陽東北山上

周人之

言方怪者自萇弘其後百餘年秦靈公作吳陽上畤祭

黃帝

集解徐廣曰距作下畤索隱吳陽地名

蓋在岳之南又

上云雍旁有故吳陽武畤今蓋因武畤又作上下畤以祭黃帝炎帝後四十八年周太史儋見秦獻公索隱儋音丁甘反孟康云即老子也韋昭案年表儋在孔子後百餘年非老子也昭曰秦始與周合而離五百歲當復合索隱大顏歷評諸家而云周平王封襄公始列為諸侯是乃為別至昭王五十二年西周君臣獻邑凡五百一十六年是為合此言五百年舉全數合十七年而霸王出焉索隱自昭王滅周之後至始皇元年誅嫪毐正一十一年孟康云謂周封秦為別秦并周為合此襄公為霸始皇為王故云霸王出者也正義王于放反秦周俱黃帝之後至非子末別封是合也合而離者謂非子末年周封非子為附庸邑之秦是離也五百歲當復合者謂從非子邑秦後二十九君至秦孝公二年五百歲周顯王致文武胙於秦孝公復與之親是復合也十七年霸

王出焉者謂從秦孝公三年至十九年周顯王致伯於  
秦孝公是霸出也至惠王稱王王者出焉然五百歲者  
非子生秦侯已下二十八君至孝公二年合四百八十  
六年兼非子邑秦之後十四年則成五百歲矣諸家解  
皆非櫟陽雨金秦獻公自以為得金瑞故作畦時櫟陽  
而祀白帝集解晉灼曰漢注在隴西西縣人先祠山下  
形如種莊畦畤各一土封索隱漢舊儀云祭  
人先於隴西西縣人先山山上皆有土入山下  
有畤如種莊畦畤中各有一土封故云畦畤其後百

二十歲而秦滅周

集解徐廣曰去太史儋言時百二十年

周之九鼎入于

秦或曰宋太丘社亡

集解駟案爾雅曰古陵太丘索隱應劭云亡淪入地非也案亡謂社

主亡也郭璞云宋有太丘社以社名此地也

而鼎沒于泗水彭城下其後百

一十五年而秦并天下秦始皇既并天下而帝或曰黃

帝得土德黃龍地螻見

集解應劭曰螻蚯也黃帝土位故地見其神蚯大五六圍長

十餘丈韋昭曰黃者地色螻亦地物故以為瑞索隱此史所記出呂氏春秋也螻音引

夏得木德

青龍止於郊草木暢茂殷得金德銀自山溢

集解蘇林曰流出也

周得火德有赤鳥之符

索隱尚書中侯及呂氏春秋皆云有火自天止于王屋流為赤

烏五至以穀俱來

今秦變周水德之時昔秦文公出獵獲黑龍

此其水德之瑞於是秦更命河曰德水以冬十月為年首色上黑度以六為名

正義張晏云水北方黑水終數六故以方六寸為符六尺為步

音上大呂事統上法

集解服虔曰政上法令也瓊即帝水陰陰主刑殺故上法

即帝

位三年東巡郡縣祠騶嶧山頌秦功業

索隱騶縣之嶧山本邾國

魯穆公改作鄒從征記北有秦始皇所勒之銘

於是徵從齊魯之儒生博士

七十人至乎泰山下諸儒生或議曰古者封禪為蒲車惡傷山之土石草木

索隱蒲車謂埽地而祭席用苴稍蒲裏車輪也

稍集解應劭曰稽未藁也去其皮以為席如淳曰苴讀曰祖稽讀曰憂晉灼曰苴藉也索隱周禮祭祀供茅苴說文云苴

言其易遵也始皇聞此議各乖異難施用由此

絀儒生而遂除車道上自泰山陽至巔立石頌秦始皇

帝德明其得封也從陰道下禪於梁父其禮頗采太祝之祀雍上帝所用而封藏皆祕之世不得而記也始皇之上泰山中阪遇暴雨休於大樹下諸儒生既絀不得與用於封事之禮聞始皇遇風雨則譏之於是始皇遂東游海上行禮祠名山大川及八神求僊人羨門之屬八神將自古而有之或曰太公以來作之齊所以為齊以天齊也集解蘇林曰當天中中齊其祀絕莫知起時八神一曰

天主祠天齊天齊淵水居臨菑南郊山下者索隱顧氏案解道虎

齊記云臨菑城南有天齊泉五泉並出有異於常言如天之腹臍也小顏云下者謂最下也二曰地

主祠太山梁父蓋天好陰祠之必於高山之下小山之

上命曰畤集解徐廣曰一云之下上時命曰畤索隱此之一云與漢書郊祀志文同也索地貴

陽祭之必於澤中圓丘云三曰兵主祠蚩尤蚩尤在東

平陸監鄉齊之西境也集解徐廣曰屬東平郡索隱監音闡皇覽云蚩尤冢在東平郡

壽張縣閩四曰陰主祠三山索隱小顏以為下所謂三山顧氏案地理志東萊

鄉城中也曲成有參山即此三山神山

五曰陽主祠之罘

正義括地志云之罘山在

非海中之三神山也

六曰月主祠之萊山

集解韋昭曰東萊長廣縣

皆在

萊州文登縣西北九十里

齊北並渤海七曰日主祠成山成山斗入海

集解韋昭曰成山在

東萊不夜斗入海不夜古縣名索隱案解道彪齊記云不夜城古有日夜出見於東境故萊子立城以不夜為名也斗入海謂

最居齊東北隅以迎日出云八曰四時

主祠琅邪琅邪在齊東方

索隱山海經云琅邪臺在勃海間案是山形如臺地理志

琅邪縣有蓋歲之所始皆各用一牢具祠而巫祝所損四時祠也

益珪幣雜異焉自齊威宣之時

索隱謂威王也駟子之徒解王宣王也

及秦帝而齊人奏之故始皇采

韋昭曰論著終始五德之道

集解如淳曰今其書有五德終始五德各以所勝為

行秦謂周為火德滅火者水故自謂之水德

用之而宋母忌正伯僑充尚羨門子高

集解韋昭曰皆慕古人名效神

仙者索隱樂彥引老子道經云月中仙人宋母忌白澤圖云火之精曰宋母忌蓋其人火仙也司馬相如云正伯僑古仙人顧氏案裴秀冀州記云緱氏仙人廟者昔有王喬捷為武陽人為柏人令於此得仙非王子喬也充尚無所見羨門高者秦始皇使盧生求羨門子高是也小顏云自宋母忌至最後說止有四人是也

最後凡五人劉伯莊亦同此說恐未詳

為方儂道形

解銷化集解服虔曰尸解也張晏曰人老如解去故骨則變化也今山中有龍骨世人謂之龍解骨化

去依於鬼神之事騶衍以陰陽主運集解如淳曰今其書有主運五行相

次轉用事隨方面為服索隱主運是鄒子之書篇名顯於諸侯而燕齊海上之方

士傳其術不能通然則怪迂阿諛苟合之徒自此興不可勝數也自威宣燕昭使人入海求蓬萊方丈瀛州此三神山者其傳在渤海中集解服虔曰傳音附或曰其傳書云爾瓊云世人相傳之去人不遠患且至則船風引而去蓋嘗有至者諸僕人及不死之藥皆在焉其物禽獸盡白而黃金銀為宮闈未至望之如雲及到三神山反居水下臨之風輒引去終莫能至云世主莫不甘心焉索隱謂心甘羨也及至秦始皇并天下至海上則方士言之不可勝數始皇自以為至

海上而恐不及矣使人乃齎童男女入海求之船交海  
中皆以風為解索隱顧野王云皆自解說遇風不至也

曰未能至望見之

焉其明年始皇復游海上至琅邪過恒山從上黨歸後  
三年游碣石考入海方士集解服虔曰疑詐故考之瓊曰考校其虛實也從上

郡歸後五年始皇南至湘山遂登會稽並海上冀遇海

中三神山之奇藥不得還至沙丘崩

正義括地志云沙丘臺在邢州平鄉

東北三十里二世元年東巡碣石並海南歷泰山至會稽皆

禮祠之而刻勒始皇所立石書旁以章始皇之功德索隱

小顏云今此諸山皆有始皇所刻石及胡亥重刻其文並具存也

其秋諸侯畔秦三年

而二世弑死始皇封禪之後十三歲秦亡諸儒生疾秦

焚詩書誅僇文學百姓怨其法天下畔之皆謠曰始皇

上泰山為暴風雨所擊不得封禪此豈所謂無其德而

用事者邪索隱即封禪書序云蓋有無其應而用事者矣此當有所本

太史公再引以為說也昔

三代之君皆在河洛之間正義世本云夏禹都陽城避商均也又都平陽或在安邑

或在晉陽也帝王世紀云殷湯都毫在梁又都偃師至盤庚徙河北又徙偃師也周文武都酆鄗至平王徙都

河南按三代之居皆在河洛之間也故嵩高為中岳而四岳各如其方四

瀆咸在山東至秦稱帝都咸陽則五岳四瀆皆并在東  
方自五帝以至秦輶輶名山大川或在諸侯或在  
天子其禮損益世殊不可勝記及秦并天下令祠官所  
常奉天地名山大川鬼神可得而序也於是自殽以東  
索隱殽即崤山杜預云崤在弘農澗池  
縣西南即今之二郁山是也亦音豪  
名山五大川祠  
二曰太室太室嵩高也恒山泰山會稽湘山索隱地理志湘山在  
長水曰濟曰淮索隱風俗通云濟廟在平氏也  
沙集解服虔曰解凍為音于偽反秋涸凍索隱案字林涸竭

云涸讀與沴同沴凝也音下故反春則解秋則凝

冬寨禱祠索隱賽音先代反謂報神福也

其牲用牛犢各一牢具珪幣各異自華以西名山七名

川四曰華山

正義括地志云華山在華州華陰縣南八里古文以為敦物也註云華嶽本一山當

河水過而行河神巨靈手盪脚蹋開而為兩今脚跡在東首陽下手掌在華山今呼為仙掌河流於二山之間

也開山圖云巨靈胡者偏得神仙之道能造山川出江河也

薄山薄山者襄山也

集解

徐廣曰蒲阪縣有襄山或字誤也索隱應劭云襄山在潼關北十餘里穆天子傳云自河首襄山酈元水經注云

薄山統目與襄山不殊在今芮城北與中條山相連是薄襄一山名也正義薄音白落反襄音色良反括地志

云薄山亦名襄山一名寸棘山一名渠山一名雷首山一名獨頭山一名首陽山一名吳山一名條山在陝州

芮縣城北十里此山西起雷山東至吳坂凡十名以岳州縣分之多在蒲州今史文云自華以西未詳也

山岐山

集解

徐廣曰武功縣有大壺山又有岳山在美陽縣西北也

吳岳集解

徐廣曰在汧也索隱徐說非也鴻冢瀆山瀆山蜀之汶案地理志汧有垂山無岳山也

山也

索隱

黃帝臣大鴻葬雍鴻冢蓋因大鴻葬為名也

陽郡廣陽縣

水曰河祠臨晉

地理志晉有河水祠正義即同州馮翊縣本漢臨晉縣也收大荔秦獲之更名括地志云大河祠在同州朝邑縣南三十里山海經云

義即同州馮翊縣本漢臨晉縣也收大荔秦獲之更名括地志云大河祠在同州朝邑縣南三十里山海經云

永夷人面乘兩龍也太公金匱云馮脩也龍魚河圖云

河伯姓呂名公子夫人姓馮名夷河伯字也華陰潼鄉

劭

云夷馮夷乃水仙也

應

馮祠漢中

索隱水經云馮水出武都沮縣注云

東南注漢所謂漢水故祠之漢

漱淵祠朝那集解蘇林

中樂彥云漢女者漢神是也

漱淵在

安定朝那縣方四十里停不流冬夏不增減不生草木  
音將蓼反索隱漱音子小反又音子由反即龍之所處

也正義括地志云朝那漱祠在原州平高

江水祠蜀隱

縣東南二十里漱谷水源出寧州安定縣

江都有江

風俗通云江出嶧山嶧山廟在江都地理志江都有江

水祠蓋漢初祠之於源後祠之於委也廣雅云江神謂

之奇湘江記云帝女也卒為江神華陽國志云蜀守李

冰於彭門關立江神祠三所漢舊儀云祭四瀆用三牲

圭沉有車馬紺蓋正義括地志云江瀆祠在益州成都

縣南八里秦并天下江水祠蜀亦春秋泮

涸禱賽如東方名山川而牲牛犢牢具珪幣各異而四

大家鴻岐吳岳皆有嘗禾案解孟康曰以新穀祭索隱

謂四山為大家爾雅云山

項曰家蓋亦因鴻家而為號也陳寶節來祠

集解服虔曰陳寶神應節來也

其河加有

嘗醪此皆在雍州之域近天子之都故加車一乘駟駒

四瀉澨

正義括地志云瀉水古溢水也亦名曰藍谷水即秦嶺水之下流在雍州藍田縣澨水

狗枷之下流也在雍州萬年縣也

長水灋澘

集解徐廣曰音勞駟案漢書音義曰水名在鄖縣界

索隱百官表有長水校尉沈約宋書云營近長水因以

為名水經云長水出白鹿原今之荆溪水是也十三州

灋澘水出鄖縣南也

正義括地志云灋澘水源在雍州長安縣西南山灋谷

涇渭皆非大川以

近咸陽盡得比山川祠而無諸加

集解韋昭曰無車駢之屬

汧洛

正義

括地志云汧水源出隴州汧源縣西南汧山東入渭洛水源出慶州洛源縣自於山南流入渭又云洛水商州

洛南縣西家嶺山東北流入二淵正義地理志云二川源在慶州華池縣西

河按有三洛水未知祠何者二淵源在慶州華池縣西

子午嶺東二川合因名也鳴澤索隱服虔云鳴澤在涿郡適縣正義括地志云鳴澤在幽州范陽縣西十五里按道縣在易州淶水縣北

一里故道城是也澤在道南蒲山岳山集解徐廣曰峰音先

反許之屬為小山川亦皆歲禱賽泮涸祠禮不必同而雍有日月參辰索隱漢書舊儀云祭參辰於池陽谷口夾道在右為壇也雍地名也南北斗集解徐廣曰峰音先

熒惑太白歲星填星二十八宿風伯雨師四海九臣解

晋灼曰自此以下星至天淵玉女凡二十六小神不說十四臣索隱九臣十四臣並不見其名數所出故昔賢

諸布諸嚴諸述之屬百有餘廟索隱爾雅星曰布或云

皆不論也

諸布是祭星之處述亦未詳漢書作逐

西亦有數十祠

索隱西即隴西之縣秦之舊都故

有祠於湖有周天子祠

索隱地理志湖縣屬京兆有周天子祠二所在

於下邽

有天神澧滻有昭明

索隱案樂彥引河圖云熒惑星散為昭明

天子辟池

索隱

樂彥云辟池未聞顧氏以為璧池即滻池所謂華陰平舒道逢使者持璧以遺滻池君故曰璧池今案謂天子

辟池即用天子辟雍之地故周文王都鄆武王都鄗

既立靈臺則亦有辟雍耳張衡亦以辟池為雍也

社毫有三社主之祠

集解韋昭曰毫音薄湯所都瓊曰

濟陰薄縣是索隱徐廣云京兆杜

縣有毫亭則社字誤合作杜毫且據文列於下皆是邑則杜是縣案秦寧公與毫王戰毫王奔戎遂滅湯

社皇甫謐亦云周桓王時自有毫王號湯非殷也而臣瓊曰毫為成湯之邑故云在於濟陰非也案謂社毫二邑

有三社主壽星祠索隱壽星蓋南極老人星也見則天之祠也下理安故祠之以祈福壽也正義角亢在辰為壽星三月之時萬物始生建於春氣布養各盡其性不罹災夭故壽而雍營廟亦有杜主集解李奇曰管茅也杜主故周之右將軍索隱地理志杜陵故杜伯國有杜主祠四墨子云周宣王殺杜伯不以罪後宣王田於圃見杜伯執弓矢射宣王伏發而死故祠之也正義括地志云杜祠雍州長安縣西南二十五里其在秦中最小鬼之神者索隱謂其鬼雖小而言有神靈各以歲時奉祠唯雍四時上帝為尊索隱雍有五時而言者也四者顧氏以為兼下文上帝為五非也案四時據秦舊而言秦襄公始列為諸侯而作西畤文公卜居汧渭之間而作鄜畤皆非雍也至秦德公卜居雍而後宣公作密畤祠青帝靈公作上畤祠黃帝下畤祠炎帝獻公作

時祠白帝是為四并高祖增黑帝而五也正義括地  
志云廊畤吳陽上下畤是言秦用四畤祠上帝青黃赤  
白最尊貴之也其光景動人民唯陳寶故雍四畤春以為歲禱

因泮凍秋涸凍冬賽祠五月嘗駒及四仲之月祠若月  
祠陳寶節來一祠春夏用驛秋冬用駢時駒四匹木禺  
龍樂車一駟集解駢案漢書音義曰禺寄也寄生龍形於木也索隱禺音偶謂偶其形於木禺馬亦然樂車謂車有鈴乃有和樂之節故取名也木禺車馬一駟各如其帝色黃  
犧羔各四珪幣各有數皆生瘞埋無俎豆之具正義豆以木為之受四升高尺二寸漆其中大夫以上赤雲氣畫諸侯加象飾口足天子玉飾之也三年一郊秦

以冬十月為歲首故常以十月上宵郊見

集解李奇曰宿猶齋戒也

通權火

集解張晏曰權火烽火也狀若井潔臯也其法類稱故謂之權欲令光明遠照通祀所也漢祀

五時於雍五里一烽火如淳曰如字一音燿周禮有司燿燿火官張晏解非也

如淳曰權舉也索隱權拜於咸

陽之旁而衣上白其用如經祠云

集解服虔曰經常也西時畦時

祠如其故上不親往諸此祠皆太祝常主以歲時奉祠

之至如他名山川諸鬼及八神之屬上過則祠去則已

郡縣遠方神祠者民各自奉祠不領於天子之祝官祝

官有祕祝即有菑祥輒祝祠移過於下

正義謂有災祥令祝官祠祭

移其咎惡於衆官及百姓也 漢興高祖之微時嘗殺大蛇有物曰蛇

白帝子也而殺者赤帝子高祖初起禱豐粉榆社

集解張晏

曰粉白榆也社在豐東北十五里或曰粉榆鄉名高祖里社

徇沛為沛公則祠蚩尤

釁鼓旗遂以十月至灞上與諸侯平咸陽立為漢王因

以十月為年首而色上赤二年東擊項籍而還入關問

故秦時上帝祠何帝也對曰四帝有白青黃赤帝之祠

高祖曰吾聞天有五帝而有四何也莫知其說於是高

祖曰吾知之矣乃待我而具五也乃立黑帝祠命曰北

時有司進祠上不親往悉召故秦祝官復置太祝太宰  
如其故儀禮因令縣為公社集解李奇曰猶官社下詔曰吾甚重  
祠而敬祭今上帝之祭及山川諸神當祠者各以其時  
禮祠之如故集解徐廣曰高祖本紀曰二年六月令後  
祠官祀天地四方上帝山川以時祀之後  
四歲天下已定詔御史令豐謹治枌榆社常以四時春  
以羊彘祠之令祝官立蚩尤之祠於長安長安置祠祝  
官女巫其梁巫祠天地天社天水房中堂上之屬索隱  
志有安世房中歌皆謂祭時禮樂  
房中堂上歌先祖之功德也晉巫祠五帝東君雲中司

命巫社巫族人先炊之屬

索隱廣雅云東君日也王逸註楚詞雲中雲也東君雲中

亦見歸藏易也周禮以槱燎祠司命鄭衆云

司命

文昌四星也正義先炊古炊母之神也

秦巫祠社

主巫保族累之屬

索隱社主即上文三社之主巫保族累二神名累音力追反

荆巫

祠堂下巫先司命施糜之屬

集解應劭曰先人所在之國及有靈施化民人又貴

悉置祠巫祝博求神靈之意文穎曰巫掌神之位次者

也范氏世仕於晉故祠祝有晉巫范會支庶留秦為劉

氏故有秦巫劉氏隨魏都大梁故有梁巫後徙豐豐屬

荆故有荆巫索隱巫先謂古巫之先有靈者蓋巫咸之

類也施糜鄭玄謂

九天巫祠九天

索隱孝武本紀云立九天廟於甘泉三輔

主施糜粥之神

九天巫祠九天

索隱孝武本紀云立九天廟於甘泉三輔

故事云胡巫事九天於神明臺淮南子云中央曰鈞天

東方曰蒼天東北是天

北方玄天西北幽天西

方皓天

西南朱天南方炎天東南陽天是為九天也正義太玄經云一中天二羨天三徒天四罰更天五晦天六郭天七咸天八治皆以歲時祠宮中其河巫祠河於臨晉而南山巫祠南山秦中秦中者二世皇帝產云正義太玄經張晏曰子能依人為厲各有時月其後二歲或曰周興而邑邵立后稷之祠至今血食天下牢故言血食遍於天下於是高祖制詔御史其令郡國縣立靈星祠常以歲時祠以牛正義漢舊儀云五年修復周家舊祠祀后稷於東南為民祈農報厥功夏則龍星見而始雩龍星左角為田右角為天庭天田為司馬教人種百穀為稷靈者神

也辰之神為靈星故以壬辰日祠靈星於東南金  
勝為土相也廟記云靈星祠在長安城東十里

高祖

十年春有司請令縣常以春三月及時臘祠社稷以羊

豕民里社各自財以祠制曰可其後十八年孝文帝即

位即位十三年下詔曰今祕祝移過于下朕甚不取自

今除之始名山大川在諸侯諸侯祝各自奉祠天子官

不領及齊淮南國廢令太祝盡以歲時致禮如故

正義齊有

泰山淮南有天柱山二山初天子祝官不領遂廢其是  
祀令諸侯奉祠今令太祝盡以歲時致禮如秦故儀

歲制曰朕即位十三年于今賴宗廟之靈社稷之福方

內乂安民人靡疾間者比年登朕之不德何以饗此皆上帝諸神之賜也蓋聞古者饗其德必報其功欲有增諸神祠有司議增雍五畤路車各一乘駕被具正義顏師古云駕車被馬之飾皆具西畤畦畤禹車各一乘禹馬四匹駕被具其河湫漢水正義河湫黃河及湫泉加玉各二正義言二水祭時各加玉璧二枚及諸祠各增廣壇場珪幣俎豆以差加之而祝釐者歸福於朕百姓不與焉自今祝致敬毋有所祈魯人公孫臣上書曰始秦得水德今漢受之推終始傳則漢當土德

土德之應黃龍見宜改正朔易服色尚黃是時丞相

張蒼好律歷以為漢乃水德之始故河決金堤

集解騶案漢書

音義曰在東郡界

其符也

索隱謂河決乃十月陰氣在外

年始冬十月色外黑

內赤

集解服虔曰十月陽氣尚伏在地故內赤

與德相應如公孫臣

言非也罷之後三歲黃龍見成紀

集解徐廣曰在文帝十五年春正義按成

紀今秦州縣也

文帝乃召公孫臣拜為博士與諸生草改歷服

色事其夏下詔曰異物之神見於成紀無害於民歲以

有年朕祈郊上帝諸神禮官議無諱以勞朕有司皆曰

古者天子夏親郊祠上帝於郊故曰郊於是夏四月文  
帝始郊見雍五畤祠衣皆上赤其明年趙人新垣平以  
望氣見上言長安東北有神氣成五采若人冠綺焉或  
曰東北神明之舍謂西墓西方神明之墓也謂西谷日沒於天瑞下宜立祠上帝以合符應於是作  
渭陽五帝廟同宇帝一殿面各五門各如其帝色祠所  
用及儀亦如雍五畤謂用集解韋昭曰宇謂上同下異禮所  
立五廟正義括地志云渭陽五帝廟在雍州咸陽縣東  
三十里宮殿疏云五帝廟一宇五殿也按一宇之內而

設五帝各依其方帝別為  
一殿而門各如帝色也

夏四月文帝親拜霸渭之會

集解如淳曰二水之會正義  
渭陽五廟在二水之合北岸以郊見渭陽五帝五帝廟

南臨渭北穿蒲池溝水

正義顏師古云蒲池為池而種  
蒲也蒲字或作蘭言其水恐顏

說非按括地志云渭北咸陽縣有蘭池始皇逢盜蘭池  
者也言穿溝引渭水入蘭池也疑蘭字誤作為蒲重更

錯火舉而祠若光輝然屬天焉於是貴平上大夫賜  
失權

累千金而使博士諸生刺六經中作王制

索隱小顏云謂采取之

也劉向七錄云文帝所造書有謀議巡狩封禪事文帝  
本制兵制服篇刺音七賜反

出長安門集解徐廣曰在霸陵駟案如淳曰亭名也正  
義括地志云長安門故亭在雍州萬年縣東

北苑中後館陶公主長門園武帝以長門名宮即此若見五人於道北遂因其直北立五帝壇集解孟康曰直值也  
其立處以作壇祠以五牢具其明年新垣平使人持玉杯上書闕下獻之平言上曰闕下有寶玉氣來者已視之果有獻玉杯者刻曰人主延壽平又言臣候日再中索隱晉灼云淮南云魯陽公與韓構戰戰酬日暮援戈麾之日為却三舍豈其居頃之日卻復中於是始更以十七年為元年令然乎天下大酺平言曰周鼎亡在泗水中今河溢通泗臣望東北汾陰直有金寶氣意周鼎其出乎兆見不迎則不

至於是上使使治廟汾陰南臨河欲祠出周鼎

集解徐廣曰是

後三十七年鼎出汾陰

人有上書告新垣平所言氣神事皆詐也

下平吏治誅夷新垣平自是之後文帝急於改正朔服色神明之事而渭陽長門五帝使祠官領以時致禮不往焉明年匈奴數入邊興兵守禦後歲少不登數年而孝景即位十六年祠官各以歲時祠如故無有所興至今天子

集解駟案自此後武帝事褚先生取為武帝本紀注解已在第十二卷今直載徐義今天

子初即位尤敬鬼神之祀元年漢興已六十餘歲矣天

下又安措紳之屬皆望天子封禪改正度也而上鄉儒術招賢良趙綰王臧等以文學為公卿欲議古立明堂城南以朝諸侯草巡狩封禪改歷服色事未就會寶太后治黃老言不好儒術使人微伺得趙綰等姦利事召案綰臧綰臧自殺諸所興為皆廢後六年寶太后崩其明年徵文學之士公孫弘等明年今上初至雍郊見五時後常三歲一郊索隱漢舊儀云元年祭天二年祭地三年祭五時三歲一遍皇帝自行也

以子死見神於先後宛若宛若祠之其室民多往祠平  
原君往祠其後子孫以尊顯及今上即位則厚禮置祠  
之內中聞其言不見其人云是時李少君亦以祠竈穀  
道却老方見上上尊之少君者故深澤侯舍人索隱案表深澤  
侯趙將夜以高祖八年封侯至元朔五年夷侯胡薨無後國除主方匿其年及其生長常自謂七十能使物却老其游以方徧諸侯無妻子人聞其能使物及不死更饋遺之常餘金錢衣食人皆以為不治生業而饒給又不知其何所人愈信爭事之少

君資好方善為巧發奇中嘗從武安侯飲

索隱武安侯田蚡也

坐

中有九十餘老人少君乃言與其大父游射處老人為

兒時從其大父識其處一坐盡驚少君見上上有故銅

器問少君少君曰此器齊桓公十年陳於柏寢

索隱韓子云齊

景公與晏子遊於少海登柏寢之臺而望其國已而案其刻果齊桓公器一宮

盡駭以為少君神數百歲人也少君言上曰祠寵則致

物致物而丹沙可化為黃金黃金成以為飲食器則益

壽益壽而海中蓬萊僊者乃可見見之以封禪則不死

黃帝是也臣常游海上見安期生安期生食巨棗大如

瓜索隱包愷云  
臣或作臣

安期生儂者通蓬萊中合則見人不合

則隱於是天子始親祠竈遣方士入海求蓬萊安期生之屬而事化丹沙諸藥齊為黃金矣居久之李少君病

死天子以為化去不死而使黃錘

集解徐廣曰  
惠反錘縣黃縣皆在

東史寬舒受其方求蓬萊安期生莫能得而海上燕齊

怪迂之方士多更來言神事矣毫人謬忌奏祠太一方

曰天神貴者太一

索隱樂汁徵圖曰天宮紫微北極天  
一太一宋均云天一太一北極神之

別名春秋佐助期日紫宮天皇曜冕寶之所理也石氏  
云天一太一各一星在紫宮門外立承事天皇大帝

太一佐曰五帝古者天子以春秋祭太一東南郊用太

牢七日為壇開八通之鬼道

索隱司馬彪續漢書祭祀志云壇有八陛通道以為

門又三輔黃圖云上帝壇八神道八通廣三十步也

於是天子令太祝立其祠

長安東南郊常奉祠如忌方其後人有上書言古者天

子三年壹用太牢祠神三一天一地一太一天子許之

令太祝領祠之於忌太一壇上如其方後人復有上書

言古者天子常以春解祠索隱謂祠祭以解殃咎求福祥也祠黃帝用

一梟破鏡冥羊用羊祠馬行用一青牡馬太一澤

徐廣集解

曰澤一作臯

山君地長用牛

索隱此則人上書言古天子祭太一太一天神也澤山本紀作

嶧山澤山君地長謂祭地於嶧山

同用太牢故云用牛蓋是異代之法也

武夷君用乾魚

索

顧氏案地理志建安有武夷山溪有仙人葬處即漢志

書所謂武夷君是時既用越巫勇之疑即此神令案其

祀用乾魚兼不享

牲牢或如顧說也陰陽使者以一牛令祠官領之如其

方而祠於忌太一壇旁其後天子苑有白鹿以其皮為

幣以發瑞應造白金焉

索隱樂彥云謂龍馬龜也

其明年郊雍

集解徐廣

曰武帝立己十九年獲一角獸若麟然有司曰陛下肅祗郊祀上

帝報享錫一角獸蓋麟云於是以薦五畤畤加一牛以燎錫諸侯白金風符應合於天也於是濟北王以為天子且封禪乃上書獻泰山及其旁邑天子以他縣償之常山王有罪遷天子封其弟於真定以續先王祀徐廣集解曰元鼎四年時而以常山為郡然後五岳皆在天子之邦其明年齊人少翁以鬼神方見上上有所幸王夫人集解徐廣曰外戚傳曰趙之王夫人卒帝悼之李少翁幸有子封為齊王夫人卒少翁以方蓋夜致王夫人及竈鬼之貌云索隱漢書作李夫人卒帝悼之李少翁亦作賦此云王夫人新論亦

同未詳

天子自帷中望見焉於是乃拜少翁為文成將軍

賞賜甚多以客禮禮之文成言曰上即欲與神通宮室

被服非象神神物不至乃作畫雲氣車及各以勝日駕

車辟惡鬼

索隱樂彥云畫以勝日者謂畫青車以甲乙  
畫赤車以丙丁畫玄車以壬癸畫白車以庚

辛畫黃車以戊己將有水事則

又作甘泉宮中為臺室

畫天地太一諸鬼神而致祭具以致天神居歲餘其方

益衰神不至乃為帛書以飯牛佯不知言曰此牛腹中

有奇殺視得書書言甚怪天子識其手書問其人果是

偽書於是誅文成將軍隱之其後則又作柏梁銅柱集解

徐廣曰元鼎二年時承露仙人掌之屬矣文成死明年天子病鼎

湖甚

索隱三輔黃圖云鼎湖宮名在藍田韋昭云地名近宜春案湖本屬京兆後分屬弘農恐非鼎湖處

也巫醫無所不致不愈游水發根言上郡有巫病而鬼

神下之上召置祠之甘泉及病使人問神君神君言曰

天子無憂病病少愈彊與我會甘泉於是病愈遂起幸

甘泉病良已大赦置酒壽宮神君壽宮神君最貴者太

一其佐曰大禁司命之屬皆從之弗可得見聞其言言

與人音等時去時來來則風肅然居室帷中時晝言然  
常以夜天子祓然後入因巫為主人闋飲食所以言行  
下又置壽宮北宮張羽旗設供具以禮神君神君所言  
上使人受書其言命之曰書法其所語世俗之所知也  
無絕殊者而天子心獨喜其事祕世莫知也其後三年  
有司言元宜以天瑞命不宜以一二數一元曰建二元  
以長星曰光三元以郊得一角獸曰狩云其明年冬天  
子郊雍議曰今上帝朕親郊而后土無祀則禮不答也

有司與太史公祠官寬舒議天地牲角靈栗今陛下親  
祠后土后土宜於澤中圓丘為五壇壇一黃犧太牢具  
已祠盡瘞而從祠衣上黃於是天子遂東始立后土  
徐廣曰元鼎四年祠汾陰睢邱如寬舒等議上親望拜如上帝  
禮禮畢天子遂至榮陽而還過雒陽下詔曰三代邈絕  
遠矣難存其以三十里地封周後為周子南君以奉其  
先祀焉是歲天子始巡郡縣浸尋於泰山矣其春樂成  
侯上書言樂大樂大膠東宮人故嘗與文成將軍同師

已而為膠東王尚方而樂成侯姊為康王后

索隱康無  
王名寄無

子康王死他姬子立為王

集解徐廣曰以  
元狩二年薨

而康后有淫

行與王不相中

索隱三翁  
云中得也

相危以法康后聞文成已死

而欲自媚於上乃遣樂大因樂成侯求見言方天子既

誅文成後悔其蚤死惜其方不盡及見樂大大說大為

人長美言多方畧而敢為大言處之不疑大言曰臣常

往來海中見安期羨門之屬顧以臣為賤不信臣又以

為康王諸侯耳不足與方臣數言康王康王又不用臣

臣之師曰黃金可成而河決可塞不死之藥可得僨人可致也然臣恐效文成則方士皆掩口惡敢言方哉上曰文成食馬肝死耳索隱論衡云氣勃而毒盛故食走馬肝馬肝殺人儒林傳曰食肉無是也子誠能修其方我何愛乎索隱上語樂大云子誠能修文成方我更何所愛惜乎謂不客金寶祿位也大曰臣師非有求人人者求之陛下必欲致之則貴其使者令有親屬以容禮待之勿卑使各佩其信印乃可使通言於神人神人尚肯邪不邪致尊其使然後可致也於是上使驗小方鬪棊棊自相觸

擊索隱顧氏案萬畢術云取雞血雜磨針  
鐵擣和磁石暴頭置局上自相抵擊也

是時上方憂

河決而黃金不就乃拜大為五利將軍居月餘得四印

索隱謂五利將軍天士將軍大通將軍為四也

佩天士將軍地士將軍大

通將軍印制詔御史昔禹疏九江決四瀆間者河溢臯  
陸隄繇不息朕臨天下二十有八年

集解徐廣曰元鼎四年也

天若

遺朕士而大通焉乾稱蜚龍鴻漸于殷朕意庶幾與焉  
其以二千戶封地士將軍大為樂通侯賜列侯甲第僮  
千人乘輶斥車馬惟幄器物以充其家又以衛長公主

妻之索隱衛子夫之子曰衛太子女曰衛長公主是衛后長女也非如帝姊曰長公主之例也齎金

萬斤更命其邑曰當利公主

索隱地理志東萊有當利縣

天子親如

五利之第使者存問供給相屬於道自大主

集解徐廣曰武帝姑

將相以下皆置酒其家獻遺之於是天子又刻玉印曰

天道將軍使使衣羽衣夜立白茅上五利將軍亦衣羽

衣夜立白茅上受印以示不臣也而佩天道者且為天

子道天神也於是五利常夜祠其家欲以下神神未至

而百鬼集矣然頗能使之其後裝治行東入海求其師

云大見數月佩六印

索隱更加樂通侯及天道將軍印為六印

貴震天下而

海上燕齊之間莫不掩扼而自言有禁方能神僊矣其  
夏六月中汾陰巫錦為民祠魏脛后土營旁見地如鈎  
狀培視得鼎鼎大異於衆鼎文鏤無欵識怪之言吏吏  
告河東太守勝勝以聞天子使使驗問巫得鼎無姦詐  
乃以禮祠迎鼎至甘泉從行上薦之至中山

集解徐廣曰河渠書

曰鑿涇水曠曠有黃雲蓋焉有麅過上自射之因以祭  
自中山西

集解徐廣曰上言從行上薦之或者祭鼎也至長安公卿大夫皆議請尊

寶鼎天子曰間者河溢歲數不登故巡祭后土祈為百姓育穀今歲豐庶未報鼎曷為出哉有司皆曰聞昔泰

帝興神鼎一

索隱孔文祥云  
泰帝太昊也

一者壹統天地萬物所繫

終也黃帝作寶鼎三象天地人禹收九牧之金鑄九鼎

皆嘗亨觶

集解徐廣曰  
觶亨賁也

音

上帝鬼神遭腥則

興鼎遷于夏商周德衰宋之社亡鼎乃淪沒伏而不見

頌云自堂徂基自羊徂牛鼐鼎及鼒不吳不驚胡考之

休今鼎至甘泉光潤龍變承休無疆合茲中山

集解徐廣曰  
關

中亦復有中山也非魯中山有黃白雲降蓋若獸為符路弓乘矢集

獲壇下報祠大享

集解徐廣曰云大報祠享

唯受命而帝者心知

其意而合德焉鼎宜見於祖廟藏于帝廷以合明應制

曰可入海求蓬萊者言蓬萊不遠而不能至者殆不見

其氣上乃遣望氣佐候其氣云其秋上幸雍且郊或曰

五帝太一之佐也宜立太一而上親郊之上疑未定齊

人公孫卿曰今年得寶鼎其冬辛巳朔旦冬至與黃帝

時等卿有札書曰黃帝得寶鼎宛朐問於鬼臾區鬼臾

區對曰黃帝得寶鼎神策是歲己酉朔旦冬至得天之紀終而復始於是黃帝迎日推策後率二十歲復朔旦冬至凡二十推三百八十年黃帝僂登于天卿因所忠欲奏之所忠視其書不經疑其妄書謝曰寶鼎事已決矣尚何以為卿因嬖人奏之上大說乃召問卿對曰受此書申公申公已死上曰申公何人也卿曰申公齊人與安期生通受黃帝言無書獨有此鼎書曰漢興復當黃帝之時曰漢之聖者在高祖之孫且曾孫也寶鼎出

而與神通封禪封禪七十二王唯黃帝得上泰山封申  
公曰漢主亦當上封上封則能僂登天矣黃帝時萬諸  
侯而神靈之封居七千索隱韋昭云黃帝時萬國以其  
十國樂彥云以舜為神明之後封媯滿於陳之類是也  
顧氏案國語仲尼云山川之守足以紀綱天下者其守  
為神汪芒氏之君史記

天下名山八而三在蠻夷五在中國

中國華山首山太室泰山東萊此五山黃帝之所常游  
與神會黃帝且戰且學僂患百姓非其道者乃斷斬非  
鬼神者索隱謂有非毀鬼神之人乃斷理而誅斬之

百餘歲然後得與神通

黃帝郊雍上帝宿三月鬼臾區號大鴻死葬雍故鴻家  
是也其後黃帝按萬靈明廷明廷者甘泉也所謂寒集解

徐廣曰一作塞門者谷口也黃帝采首山銅鑄鼎於荆山下鼎

既成有龍垂胡鬚下迎黃帝

索隱說文云胡牛垂頸也釋名云胡在咽下垂者則

所謂龍胡也

黃帝上騎羣臣後宮從上者七十餘人龍乃上去

餘小臣不得上乃悉持龍鬚龍鬚拔墮墮黃帝之弓

百姓仰望黃帝既上天乃抱其弓與胡鬚號故後世因

名其處曰鼎湖其弓曰烏號於是天子曰嗟乎吾誠得

如黃帝吾視去妻子如脫屣耳乃拜卿為郎東使候神  
於太室上遂郊雍至隴西西登崆峒幸甘泉令祠官寬  
舒等具太一祠壇祠壇放薄忌太一壇壇三垓集解徐  
廣曰階

次五帝壇環居其下各如其方黃帝西南除八通鬼道

太一其所用如雍一時物而加醴棗脯之屬殺一狸牛  
以為俎豆牢具而五帝獨有俎豆醴進其下四方地為  
酸食羣臣從者及北斗云已祠胙餘皆燎之其牛色白  
鹿居其中彘在鹿中水而洎之集解徐廣曰洎一作酒  
灌水於釜中曰洎音冀

祭日以牛祭月以羊彘特

索隱樂彥云祭日以太牢月以少牢特不用牝也小顏云

牛羊若彘止一牲故云特也

太一祝宰則衣紫及繡五帝各如其色

日赤月白十一月辛巳朔旦冬至昧爽天子始郊拜太

一朝朝日夕夕月則揖而見太一如雍郊禮其贊饗曰

索隱顧氏云饗祀祠也漢舊儀云贊饗一人秩六百石是也

天始以寶鼎神策授皇

帝朔而又朔終而復始皇帝敬拜見焉而衣上黃其祠

列火滿壇壇旁亨炊具有司云祠上有光焉公卿言皇

帝始郊見太一雲陽有司奉瑄玉嘉牲薦饗是夜有美

光及晝黃氣上屬天太史公祠官寬舒等曰神靈之休祐福兆祥宜因此地光域立太畤壇以明應令太祝領秋及臘間祠三歲天子一郊見其秋為伐南越告禱太一以牡荆畫幡日月北斗登龍以象太一三星為太一

鋒集解徐廣曰天官書曰天極星明者太一常居也斗口三星曰太一命曰靈旗為兵禱

則太史奉以指所伐國而五利將軍使不敢入海之泰山祠上使人隨驗實毋所見五利妄言見其師其方盡多不讎索隱鄭德云相應為讎謂其言語不相應無驗也上乃誅五利其冬公

孫卿候神河南言見儻人跡緜氏城上有物如雉往來  
城上天子親幸緜氏城視跡問卿得母效文成五利乎  
卿曰儻者非有求人主人主者求之其道非少寬假神  
不來言神事事如迂誕積以歲乃可致也於是郡國各  
除道繕治宮觀名山神祠所以望幸也其春既滅南越  
上有嬖臣李延年以好音見上善之下公卿議曰民間  
祠尚有鼓舞樂今郊祀而無樂豈稱乎公卿曰古者祠  
天地皆有樂而神祇可得而禮或曰太帝使素女鼓五

十弦瑟悲帝禁不止故破其瑟為二十五弦於是賽南  
越禱祠太一后土始用樂舞益召歌兒作二十五弦集解  
徐廣曰瑟及空侯集解徐廣曰應劭云武帝琴瑟自此起其  
令樂人侯調始造此器

來年冬上議曰古者先振兵釋旅集解徐廣曰然後封  
古釋字作澤

禪乃遂北巡朔方勒兵十餘萬還祭黃帝冢橋山釋兵

須如集解徐廣曰須一作涼上曰吾聞黃帝不死今有冢何也或

對曰黃帝已儻上天羣臣葬其衣冠既至甘泉為且用  
事泰山先類祠太一自得寶鼎上與公卿諸生議封禪

封禪用希曠絕莫知其儀禮而羣儒采封禪尚書周官王制之望祀射牛事齊人丁公年九十餘曰封禪者合不死之名也秦皇帝不得上封陛不必欲上稍上即無風雨遂上封矣上於是乃令諸儒習射牛草封禪儀數年至且行天子既聞公孫卿及方士之言黃帝以上封禪皆致怪物與神通欲放黃帝以上接神僊人蓬萊士高世比德於九皇而頗采儒術以文之羣儒既已不能辨明封禪事又牽拘於詩書古文而不能騁上為封禪

祠器示羣儒羣儒或曰不與古同徐偃又曰太常諸生行禮不如魯善周霸屬圖封禪事於是上絀偃霸而盡罷諸儒不用三月遂東幸緜氏禮登中岳太室從官在山下聞若有言萬歲云問上上不言問下下不言於是以三百戶封太室奉祠命曰崇高邑東上泰山泰山之草木葉未生乃令人上石立之泰山巔上遂東巡海上行禮祠八神齊人之上疏言神怪奇方者以萬數然無驗者乃益發船令言海中神山者數千人求蓬萊神人

公孫卿持節常先行候名山至東萊言夜見大人長數丈就之則不見見其跡甚大類禽獸云羣臣有言見一老人牽狗言吾欲見巨公已忽不見上即見大跡未信及羣臣有言老人則大以為儻人也宿留海上予方士傳車及間使求儻人以千數四月還至奉高上念諸儒及方士言封禪人人殊不經難施行天子至梁父禮祠地主乙卯令侍中儒者皮弁薦紳射牛行事封泰山下東方如郊祠太一之禮封廣丈二尺高九尺其下則有

玉牒書書祕禮畢天子獨與侍中奉車子侯上泰山亦  
有封其事皆禁明日下陰道丙辰禪泰山下趾東北肅  
然山如祭后土禮天子皆親拜見衣上黃而盡用樂焉  
江淮間一茅三脊為神籍五色土益雜封縱遠方奇獸  
蜚禽及白雉諸物頗以加禮兕牛犀象之屬不用皆至  
泰山祭后土封禪祠其夜若有光晝有白雲起封中天  
子從禪還坐明堂羣臣更上壽於是制詔御史朕以眇  
眇之身承至尊兢兢焉懼不任維德菲薄不明于禮樂

修祠太一若有象景光屑如有望震於怪物欲止不敢  
遂登封泰山至于梁父而後禪肅然自新嘉與士大夫  
更始賜民百戶牛一酒十石加年八十孤寡布帛二匹  
復博奉高蛇丘歷城無出今年租稅其大赦天下如乙  
卯赦令行所過毋有復作事在二年前皆勿聽治又下  
詔曰古者天子五載一巡狩用事泰山諸侯有朝宿地  
其令諸侯各治邸泰山下天子既已封泰山無風雨災  
而方士更言蓬萊諸神若將可得於是上欣然庶幾遇

之乃復東至海上望冀遇蓬萊焉奉車子侯暴病一日

死

索隱新論云武帝出靈印石財有朕兆子侯則沒印

帝畏惡故殺之風俗通亦云然顧睂案武帝集帝與

子侯家語云道士皆言子

侯得仙不足悲此說是也

上乃遂去並海上北至碣石

巡自遼西歷北邊至九原五月反至甘泉有司言寶鼎

出為元鼎以今年為元封元年其秋有星茀于東井後

十餘日有星茀于三能望氣王朔言候獨見旗星出如

瓜食頃復入焉有司皆曰陛下建漢家封禪天其報德

星云

索隱樂彥包愷並作旗星旗星即德星也符

瑞圖云旗星之極芒艷如旗本亦作旗也

其來

年冬郊雍五帝還拜祝祠太一贊饗曰德星昭衍厥維  
休祥壽星仍出淵耀光明信星昭見皇帝敬拜太祝之  
享其春公孫卿言見神人東萊山若云欲見天子天子  
於是幸緜氏城拜卿為中大夫遂至東萊宿留之數日  
無所見見大人跡云復遣方士求神怪采芝藥以千數  
是歲旱於是天子既出無名乃禱萬里沙過祠泰山還  
至瓠子自臨塞決河留二日沈祠而去使二卿將卒塞  
決河徙二渠復禹之故跡焉是時既減雨越越人勇之

乃言越人俗鬼而其祠皆見鬼數有效昔東甌王敬鬼  
壽百六十歲後世怠慢故衰耗乃令越巫立越祝祠安  
臺無壇亦祠天神上帝百鬼而以雞卜上信之越祠雞  
卜始用公孫卿曰儻人可見而上往常遽以故不見今  
陛下可為觀如緜城集解徐廣曰云如緜氏城一置脯棗神人宜可  
致也且儻人好樓居於是上令長安則作蜚廉桂觀甘  
泉則作益延壽觀索隱小顏以為作益壽延壽二館使  
漢武故事云作延壽觀高二十丈使卿持節設具而候神人乃作通天莖臺集解徐廣曰在  
甘泉索隱漢書

並無莖字 置祠具其下將招來僊神人之屬於是甘泉  
疑衍也

更置前殿始廣諸宮室夏有芝生殿房內中

集解徐廣曰元封二

年天子為塞河興通天臺若見有光云乃下詔甘泉房  
中生芝九莖赦天下毋有復作其明年伐朝鮮夏旱公

孫卿曰黃帝時封則天旱乾封三年上乃下詔曰天旱

意乾封乎其令天下尊祠靈星焉其明年冬上巡南郡至  
中道巡之春至鳴澤從西河歸其明年冬上巡南郡至

江陵集解徐廣曰元封五年而東登禮瀟之天柱山號曰南岳浮

江自尋陽出樅陽過彭蠡禮其名山川北至琅邪並海上四月中至奉高修封焉初天子封泰山泰山東北趾古時有明堂處處險不敵上欲治明堂奉高旁未曉其制度濟南人公玉帶上黃帝時明堂圖明堂圖中有一殿四面無壁以茅蓋通水圜宮垣為複道上有樓從西南入命曰昆侖天子從之入以拜祠上帝焉於是上令奉高作明堂汶上集解徐廣曰元封二年秋在如帶圖及五年修封則祠太一五帝於明堂上坐令高皇帝祠坐對之祠后

土於下房以二十太牢天子從昆侖道入始拜明堂如  
郊禮禮畢燎堂下而上又上泰山自有祕祠其巔而太  
山下祠五帝各如其方黃帝并赤帝而有司侍祠焉山  
上舉火下悉應之其後二歲十一月甲子朔旦冬至推  
厯者以本統天子親至泰山以十一月甲子朔旦冬至  
日祠上帝明堂毋修封禪集解徐廣曰常五年一修耳今適二年故但祠於明堂

其贊饗曰天增授皇帝太元神策周而復始皇帝敬拜  
太一東至海上考入海及方士求神者莫驗然益遣冀

遇之十一月乙酉柏梁裁十二月甲午朔上親禪高里  
祠后土臨勃海將以望祀蓬萊之屬冀至殊廷焉上還  
以柏梁裁故朝受計甘泉公孫卿曰黃帝就青靈臺十  
二日燒黃帝乃治明廷明廷甘泉也方士多言古帝王  
有都甘泉者其後天子又朝諸侯甘泉甘泉作諸侯邸  
勇之乃曰越俗有火裁復起屋必以大用勝服之於是  
作建章宮度為千門萬戶前殿度高未央其東則鳳闕  
高二十餘丈其西則唐中數十里虎園其北治大池漸

臺高二十餘丈命曰太液池中有蓬萊方丈瀛洲壺梁  
象海中神山龜魚之屬其南有玉堂壁門大鳥之屬乃  
立神明臺井幹樓度五十丈輦道相屬焉夏漢改歷以  
正月為歲首而色上黃官名更印章以五字為太初元  
年是歲西伐大宛蝗大起丁夫人雒陽虞初等以方祠  
詛匈奴大宛焉其明年有司上言雍五畤無牢熟具芬  
芳不備乃令祠官進畤犧牢具色食所勝而以木禺馬  
代駒焉獨五月嘗駒行親郊用駒及諸名山川用駒者

悉以木禺馬代行過乃用駒他禮如故其明年東巡海上考神僊之屬未有驗者方士有言黃帝時為五城十二樓以候神人於執期命曰迎年上許作之如方命曰明年上親禮祠上帝焉公玉帶曰黃帝時雖封泰山然風后封臣岐伯令黃帝封東泰山禪凡集解徐廣曰一作丸山合符然後不死焉天子既令設祠具至東泰山泰山卑小不稱其聲乃令祠官禮之而不封禪焉其後令帶奉祠候神物夏遂還太山修五年之禮如前而加以禪祠石

間石間者在泰山下阤南方方士多言此儻人之間也故上親禪焉其後五年復至泰山修封集解徐廣曰  
天漢三年還

過祭恒山今天子所興祠太一后土三年親郊祠建漢家封禪五年一修封薄忌太一及三一冥羊馬行赤星五寬舒之祠官以歲時致禮索隱郊祀志云祠官寬舒議祠后土為五壇故謂之五寬舒祠官也凡六祠皆太祝領之至如八神諸明年凡山他名祠行過則祠行去則已方士所興祠各自主其人終則已祠官不主他祠皆如其故今上封禪其後十二歲

而還徧於五岳四瀆矣而方士之候伺神人入海求蓬萊終無有驗而公孫卿之候神者猶以大人之跡為解無有效天子益怠厭方士之怪迂語矣然羈縻不絕冀遇其真自此之後方士言神祠者彌衆然其效可睹矣太史公曰余從巡祭天地諸神名山川而封禪焉入壽宮侍祠神語究觀方士祠官之意於是退而論次自古以來用事於鬼神者具見其表裏後有君子得以覽焉若至俎豆珪幣之詳獻酬之禮則有司存

索隱述贊曰禮載升中書稱肆類古今盛典皇王能事登封報天降禪除地飛英騰寶金泥石記漢承遺緒斯道不墜仙問肅然揚休勒誌

史記卷二十八

史記卷二十八考證

封禪書至矣而德不洽○監本訛作至梁父矣衍梁父二字今改正

視其掌詩云紂在位文王受命○臣照按詩云二字不審所謂注家皆畧蓋唐時無此文也蓋視其掌云為句衍一詩字耳

必於高山之下小山之上命曰時○集解索隱文俱有脫誤不可解

宋毋忌索隱樂彥引老子道經云月中仙人宋毋忌○今五千言中無此語

汎洛正義洛水商州洛南縣西冢嶺山○推尋文義洛水下脫出字

杜主故周之右將軍正義括地志云杜祠雍州長安縣西南二十五里○推尋文義杜祠下脫在字

色外黑內赤集解服虔曰十月陰氣在外黑陽氣尚伏在地故內赤○按漢書郊祀志注引服虔云十月陰

氣在外故外黑此脫故外二字

曰天神貴者太一索隱樂汁徵圖○當作樂汁圖徵  
綦自相觸擊索隱綦頭置局上○推尋文義綦頭上脫

塗字

史記卷二十八考證

謹案第一頁後一行或曰封者金泥銀繩或曰石  
泥金繩刊本金泥泥字脫石字訛作古據白虎  
通增改

第二頁前八行古文以為敷物案華山非敷物此  
括地志沿水經注之訛

第三頁前一行今此云巫咸之興衍自此始案本  
書文無衍字

第十頁前五行時中各有一土封刊本一訛二據

上集解及漢書顏師古注改

第十六頁前四行蜀郡湔氐道刊本氐訛氏據漢  
地志改

第十六頁前七行姓呂名公子刊本脫名字據王  
鑒本增

第十七頁後一行地理志云二川源在慶州華池  
縣西案地理志三字誤疑作括地志

第十七頁後三行易州涞水縣刊本涞記濶拔唐

書地理志改

第十七頁後五行漢書舊儀疑作漢舊儀書字衍  
第二十一頁後八行右角為天庭刊本天訛大今

改

第二十四頁前三行蒲字或作蘭言其水考漢書  
顏師古注作蒲字或作滿言其水滿此有訛脫





總校官無上監修  
朝

校對官檢討臣王鍾達

謄錄員生臣張試京

欽定四庫全書

會要 史部

史記卷二十九  
三十



詳校官主事銜臣徐以坤

欽定四庫全書

史記卷三千六百七

史部

史記卷二十九

漢太史令司馬遷撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

河渠書第七

夏書曰禹抑鴻水

索隱抑音憶抑者遏也洪水滔天故禹遏之不令害人也漢書溝洫志作禹遏之不令害人也漢書溝洫志作

埋埋抑  
皆塞也

十三年過家不入門陸行載車水行載舟泥行

蹈毛山行即橋

集解徐廣曰橋近遙反一作蹕蹕直轍車也音已是反

戶子曰山行乘標音力

追反又曰行塗以循行險以撮行沙以軌又曰采風車

音去喬反

索隱喬字亦作橇同音

昌芮反注以撮子尚

反又予絕反

以別九州隨山浚川任土作貢通九道陂

與繩音同

九澤

正義顏師古云通九州之道及障過其澤也

度九山

正義度田洛反釋名云山者產也治

水以志九州山澤所生物產言

然河蓄衍溢害中國也

於地所宜商而度之以制貢賦

尤甚唯是為務故道河自積石歷龍門

正義在同州韓城縣北五十里

為鑿廣

南到華陰

正義華陰縣也魏之陰晉秦惠文王更名寧秦漢高帝改曰華陰

八十步

東

下砥柱

正義底柱山俗名三門山在砥石縣東北五十里在河之中

及孟津雒汭至

于大邳

正義孟津在洛陽河陽縣南門外孔安國云山再成曰邳按在衛州黎陽縣南七里於是

禹以為河所從來者高水湍悍

集解韋昭曰湍疾悍彊也難以行平

地數為敗乃廝二渠以引其河

集解駟案漢書音義曰廝分也二渠其一出貝丘西南二折者也其一則溧川索隱廝漢書作灑史記舊本亦作灑字從水按韋昭云疏決為灑字音疏桂反

廝即分其流泄其怒是也二渠其一則溧川其二王莽時遂空也

北載之高地過降水

正義降水源出路州屯留縣西南方山東北

至于大陸

正義大陸澤在邢州及趙州界一名廣河

澤一名鉅鹿澤也

播為九河

正義言過降水及大陸水之口至冀州分為九河也同為逆

河入于勃海

集解瓊曰禹貢曰夾右碣石入于海然則河口之入海乃在碣石武帝元光二年河

徙東郡更注勃海禹時不注勃海也

九川既疏九澤既灑諸夏艾安功施

于三代自是之後滎陽下引河東南為鴻溝

索隱楚漢中分之界

文穎云即今官渡水也蓋為二流一南經陽武為以通官渡水一東經大梁城即河溝今之汴河是也

宋鄭陳蔡曹衛與濟汝淮泗會于楚西方則通渠漢水

雲夢之野東方則通鴻溝江淮之間於吳則通渠三江

五湖

集解韋昭曰五湖湖名耳實一湖今太湖是也在吳西南慈陵三江按地理志北江從會稽毗陵縣入海南江從會稽吳縣南東入海故禹貢有北江中江

北東入海中江從丹陽蕪湖縣東北至會稽陽羨縣東入海南江從會稽吳縣南東入海故禹貢有北江中江

也

五湖

郭璞

江賦

云其區

洮渴

彭蠡

青

草

洞庭

又云太

湖

周五百里

故曰五

湖

於齊則通

蓄濟

之間於蜀蜀守水

集解騶案漢書曰水往李

鑿離碓

集解晉灼

辟沫

水之害

索隱辟音遊沫音末案說文云沫水出

蜀西南徼外與青衣合東南入海也

穿二江

成都之中

正義括地志云大江一名汶江一名管橋水

又云鄆江一名成都江一名市橋江亦名中日江亦曰

內江西北自新繁縣界流來二江並在益州成都縣界

杜預益州記云二江者鄆江流江也風俗通云秦昭王

使李冰為蜀守開成都縣兩江溉田萬頃神須取女二

人以為婦冰自以為女與神婚徑至祠勸神酒酒杯澹

澹因厲聲責之因忽不見良久有兩蒼牛聞於江岸有

聞輒還流江謂官屬曰吾鬪疲極不當相助耶南向脰

中正白者我綬也主簿刺殺北面者江神遂死華陽國

志云蜀時灌錦流江中則鮮明也

此渠皆可行舟有餘則用溉浸百姓

饗其利至于所過往往引其水益用溉田疇之渠以萬

億計然莫足數也西門豹引漳水溉鄴

正義括地志云漳水一名濁漳

水源出潞州長子縣西力黃山地理志云濁漳水出長子鹿谷山東至鄴入清漳按力黃鹿谷二山北鹿也鄴相州之縣也

以富魏之河內而韓聞秦之好興事欲罷之母

令東伐

集解如淳曰破罷勞之息秦伐韓之計

乃使水工鄭國

集解韋昭曰鄭國能

治水故間說秦令鑿涇水自山西邸瓠口為渠

索隱小湖

曰水工云中音仲即今九疑山之東中山是也邸至也瓠口即谷口邠祀志所謂寒門谷口是也與池湯相近故曰田

於何所池陽谷口也正義枯地志云中山一名仲山在  
雍州雲陽縣西十五里又云焦獲藪亦名瓠在涇陽北  
城外也即至也至渠首起雲陽縣西南二十五里今枯也

並北山東注洛

集解徐廣曰出馬湖

懷德三百餘里欲以溉田中作而覺秦欲殺鄭國鄭國

曰始臣為間然渠成亦秦之利也

索隱溝洫志鄭國曰臣為韓延數歲之命

為秦建萬世之功是也秦以為然卒使就渠渠就用注填閼之水

既澤鹵之地四萬餘頃

索隱溉音古代反澤一作舄音皆本或作斥則如字讀之收

皆畝一鍾於是關中為沃野無凶年秦以富彊卒并諸侯因命曰鄭國渠漢興三十九年孝文時河決酸棗東

潰金隄

正義括地志云金隄一名  
十里隄在白馬縣東五里

於是東郡大興卒塞

之其後四十有餘年今天子元光之中而河決於瓠子

東南注鉅野

正義括地志云鉅野縣東北大澤是通於淮泗

於是天子

使汲黯鄭當時興人徒塞之輒復壞是時武安侯田蚡

為丞相其奉邑

索隱鄃音輸韋昭云清河縣也

正義貝州縣也

鄃居河北

河決而南則鄃無水蓄邑收多盼望於上曰江河之決

皆天事未易以人力為彊塞塞之未必應天而望氣用數者亦以為然於是天子久之不事復塞也是時鄭當

時為大農言曰異時關東漕粟從渭中上度六月而罷  
而漕水道九百餘里時有難處引渭穿渠起長安並南  
山下至河三百餘里徑易漕度可令三月罷而渠下民  
田萬餘頃又可得以溉田此損漕省卒而益肥關中之  
地得穀天予以以為然令齊人水工徐伯表索隱舊說徐  
名也小顏云表者巡行穿渠之處悉發卒集解徐廣曰  
而表記之若今豐標表不是名也一云必是

數萬人穿漕渠三歲而通通以漕大便利其後漕稍多  
而渠下之民頗得以溉田矣其後河東守番係言漕從

山東西

宋隱畱音婆又音蒲詩小雅云畱維司徒畱氏也係音系從山東西者謂從山東運漕而西入

閩歲百餘萬石更砥柱之限敗亡甚多而亦煩費穿渠

引汾

正義括地志云汾水源出嵐州靜樂縣北百三十里管涔山北東南流入并州印西南流入至峰州

蒲州入溉皮氏汾陰

正義括地志云皮氏故城在峰州龍門縣西百三十步自秦漢魏晉

河也

皮氏縣皆治也汾陰故城俗名殺湯城在蒲州汾陰縣北九里漢汾陰縣

下引河溉汾陰蒲

坂下度可得五千頃五千頃故盡河壠

集解韋昭曰壠者既芟而耕反謂綠

河邊地索乾

又音人充反

棄地民芟牧其中耳

索既芟乾草也謂芟及收畜於中今

溉田之度可得穀二百萬石以上穀從渭上與閩中無

異而砥柱之東可無復漕天子以為然發卒數萬人作

渠田數歲河移徙渠不利則田者不能管種久之河東

渠田廢予越人令少府以為稍入

自是者以日與之其

租稅入少府渠既其田既薄越人後居者

皆來利故與之而稍少其稅入之於少府

書欲通褒斜道

集解韋昭曰褒中水也注名音邪璫曰褒邪二水名正義括地志云褒谷在

梁州褒城縣北五十里斜水源出褒城縣西北九十八里奇嶺山與褒水同源而流澗漢書溝洫云褒水通沔

斜水通渭皆以行船是也按褒城即褒中縣也

其事因言抵蜀從故道

正義括地志云褒州兩當縣本漢故道辟也在川西五十里

及漕事下御史大夫張湯湯阿

故道多阪回遠今穿褒斜道少阪近四百里而褒水通

沔斜水通渭皆可以行船漕漕從南陽

正義南陽郡今鄧州

上沔

入褒渠之絕水至斜間百餘里以車轉從斜下下渭如

此漢中之穀可致山東從沔無限

正義無限言多也山東謂河南之東山南

之東及江南淮南皆經砥柱主運今並從沔便於三門之漕也便於砥柱之漕且褒斜

材木竹箭之饒擬於巴蜀天子以為然拜湯子印為漢

中守發數萬人作褒斜道五百餘里道果便近而水湍

石

集解徐廣曰一作波

不可漕其後莊熊羆言臨晉

正義括地志云同州

本臨晉城也。一名大  
縣城亦曰馮翊城。

故鹵地誠得水可令散十石

正義洛東之水也。括地志云重泉故城在同州蒲城

縣東南四十里在同州西北三十里

於是為發卒萬餘人穿渠自徵

引洛水至商頴下

集解服虔曰頴音崖磽訛曰徵在馬

也小顏云即今之

岸善崩

正義言商原之宜岸土性疎致善崩也

乃鑿井

深者四十餘丈往往為井井下相通行水水頽以絕商

頴

集解墳曰

東至山嶺十餘里間井渠之生自此始穿

渠得龍骨

正義指地志云伏翼祠在同州馬村西四十里故老云漢時自汲水渠引海得龍骨

其後立祠因以伏龍為故名曰龍首渠作之十餘歲渠名今祠頽有靈驗也

故名曰龍首渠作之十餘歲渠

頗通猶未得其饒自河決瓠子後二十餘歲歲因以數

不登而梁楚之地尤甚天子既封禪巡祭山川其明年

旱乾封少雨天子乃使汲仁郭昌發卒數萬人塞瓠子

決於是天子已用事萬里沙

正義括地志云萬里沙在華州縣東北二十里也

則還自臨決河沈白馬玉璧于河令羣臣從官自將軍

已下皆負薪寘決河是時東流郡燒草以故薪柴少而

下淇園之竹

集解晉灼曰衛之苑也多竹藤

以為楗

集解如淳曰樹竹塞水決之口稍稍

布挿接樹之水稍弱補今當謂之楗以草塞其裏乃以上填之有石以石為之索隱健音其免反楗者樹於水中捎下竹及土石者也

### 天子既臨河決悼功之不成乃作歌曰瓠

予決兮將奈何皓皓盱盱兮閭殫為河

集解如淳曰殫畫也駟謂州閭

盡為殫為河兮地不得寧功無已時兮吾山平

集解徐廣曰東

郡東阿有魚山或者是乎駟案如淳曰恐水漸山使平也韋昭曰鑿山以填河也

吾山平兮鉅

### 野溢

集解如淳曰瓠子決灌鉅野澤使溢也

魚拂鬱兮柏冬日

集解徐廣曰柏猶追

也冬日行天邊若與水相連矣駟案漢書音義曰鉅野滿溢則衆魚沸鬱而游長也迫冬日乃止

延道

### 弛兮離常流

集解徐廣曰廷一作正駟案音灼曰河道皆弛壞索隱言河之決由其源道廷長弛

溢故使其道皆離常流也蛟龍騁兮方遠遊歸舊川兮神哉沛

集解張晏曰璣曰

水還舊道則犀害消除神祐滂沛

不封禪兮安知外為我謂河伯兮何

不仁泛濫不止兮愁吾人醬桑浮兮淮泗滿

集解張晏曰猶桑地

名也如淳曰邑名為水所漂久不反兮水維緩一曰河湯湯兮激潺

湲北渡迺兮浚流難寧長芟兮沈美玉

集解如淳曰摹取也芟草也音

郊一曰芟芊也取長芊樹之用著石間以塞決河瓊曰竹葦組謂之芟也所以引致土石者也索隱摹音已免反芟一作芟音廢

河伯許兮薪不屬

集解如淳曰旱燒故薪不足

不屬兮衛人罪燒蕭條兮噫乎何以禦水頽林竹兮楗

石蓄

集解如淳曰河決不能禁故言  
蓄韋昭曰楗柱也木立死曰蓄

宣房塞兮萬福

來於是卒塞瓠子築宮其上名曰宣房宮而道河北行  
二渠復禹舊迹而梁楚之地復寧無水災自是之後用  
事者爭言水利朔方西河河西酒泉皆引河及川谷以  
溉田而關中輔渠靈輶

集解如淳曰地理志藍屋有靈  
輶渠橐隱案溝洫志兒寬為左

內史奏請穿六輔渠小顏云  
今尚謂之輔渠亦曰六渠也

引堵水

集解徐廣曰汝南  
一作堵川

九江引淮東海引鉅定

集解瓊曰  
鉅定澤名

太山下引汶水皆穿

渠為溉田各萬餘頃佗小渠披山通道者不可勝言然

其著者在宣房

太史公曰余南登廬山觀禹疏九江遂至于會稽太湟

集解徐廣  
曰一作濕

上姑蘇望五湖東窺洛汭大邳迎河行淮泗

濟漂洛渠西瞻蜀之岷山及離碓北自龍門至于朔方

曰甚哉水之為利害也余從負薪塞宣房悲瓠子之詩

而作河渠書

集解徐廣曰溝洫志行田二百畝分賦  
田與一夫二百畝以田惡故更歲耕之

索隱述贊曰水之利害自古而然禹疏溝洫隨山濬  
川云洎後世非無聖賢鴻溝既剗龍骨斯穿填閼攸

望黎蒸有年宣房

在詠梁楚獲全



史記卷二十九

史記卷二十九 考證

河渠書功無已時兮吾山平集解徐廣曰東郡東阿有魚山或者是乎駟按如淳曰恐水漸山使平也○水經注馬頰水又南北流逕山南山即吾山也

欽定四庫全書

卷二十九 考證

史記卷二十九 考證